



Aldundia Herriarrekin ekimena

2013ko aurrekontua herriarrekin
lantzeko

2012ko iraila-urria

2012ko urrian

AURKIBIDEA

- ✚ Sarrera
- ✚ Helburuak
- ✚ Herritarren asistentzia
- ✚ Ekimenaren balorazioa
- ✚ Herritarren balorazioak
- ✚ Hurrengo pausoak

Eranskin moduan:

- ✚ ALDUNDIAREN AURKEZPENAK: ZERGA-POLITIKA ETA GIZARTE POLITIKA
- ✚ I. ERANSKINA: EKARPENAK GAIKA ANTOLATUTA
- ✚ II. ERANSKINA: EKARPENAK ESKUALDEZ ESKUALDE

SARRERA

Gipuzkoako Foru Aldundiaren **ardatz nagusietako bat parte-hartzea da**, herritarrentzat herritarrekin lan egitea. Horregatik, 2011ko udazkenetik hona, hainbat ekimen bideratu ditu Aldundiak herritarren parte-hartzea bultzatzeko.

Herritarrei informazio zuzena helarazteko eta gardentasunez lan egiteko helburuarekin, 2012rako landutako aurrekontuak aurkeztu zituen iaz Aldundiak eskualdez eskualde; ahalegin berezia eginez Aldundia herritarrengana hurbiltzeko.

Aurten pauso bat gehiago eman da eta, datorren urteko aurrekontuak landu aurretik, Aldundiak lehentasunezko gai gisa identifikatu dituen **bi gai landu nahi izan ditu herritarrekin**, zerga-politika eta politika soziala, hain zuzen. Bi gai horiei dagokionez, **orain arte egindako lana eta egin nahi den bidea azaldu die Aldundiak herritarrei**, beraien iritzia ezagutu eta kontuan hartu ahal izateko. Prozesu horretan Gipuzkoako Foru Aldundiaren izenean parte hartu dute Martin Garitano diputatu nagusiak, Larraitx Ugarte bozeramaileak eta Mugikortasuneko eta Bide Azpiegituretako diputatuak, Helena Franco Ogasun eta Finantza diputatuak, Ander Rodriguez Gizarte Politika diputatuak eta hainbat zuzendarik eta kargu politikok. Halere, Aldundiarentzat garrantzitsuena, prozesu honen lehenengo fasean 500 herritarrek parte hartu izana da. Horregatik, **parte hartzeagatik eskerrak eman nahi dizkizugu**.

Orain, **2013ko aurrekontu-proiektua aurkezteko bilera-sorta abiatuko du Aldundiak**, eskualdez eskualde, eta lehenengo fasean jasotako ekarpenen inguruan ere arituko gara. Berrito ere, Martin Garitano diputatu nagusia buru dela, Gipuzkoako hamar eskualdeetara hurbilduko da Aldundia, eta **saioetan parte hartzera gonbidatu nahi zaitugu**. Guztion artean Gipuzkoa hobe sortzeko denon artean lan egitea ezinbestekoa baita Aldundiarentzat.

Datozen urteetan herritarrekin aurrekontuak sakonago lantzeko lanean jarraituko dugu. Izan ere, helburua da herritarrek Aldundiarekin lan egitera ohitzea, berdinetik berdiner, eta parte hartzeko trebatzea/gaitzea. Hezkuntza-prozesu bat da, azken finean.

HELBURUAK

- , **Herritarrei lehen eskuko informazioa ematea**
- , Herritarrekin **elkarrizketa** hastea eta **harreman horizontalak** sortzen hastea: 2013ko aurrekontuetako bi arlo nagusietako egitasmoak eskualdez eskualde herritarrekin **partekatu eta osatzea**.
- , Datozen urteetan **aurrekontuak herritarrekin lantzeko baldintzak sortzea**.

HERRITARREN ASISTENTZIA

Guztira **500 herritar inguruk** parte hartu dute eskualdez eskualde egindako saioetan. Horietatik, erdia baino pixka bat gutxiago izan dira emakumeak (% 40), hamarretik lau, hain zuzen; eta gizonak izan dira hamarretik sei (% 60).

EKIMENAREN BALORAZIOA

Saiootan nabarmentzekoa izan da **herritarren jakin-mina, ikasteko gogoia eta jarrera ona, eraikitzailea**.

Saio hauek hasiera bat besterik ez dira, dinamika batzuk sortzen hasteko, **harreman horizontalak** sortzen hasteko, herritarrak Aldundiarekin partekatzen dituzten guneetan jarrera aktiboa hartzea bultzatzeko. Eta horretarako abiapuntu egokia izan direla uste dugu. **Motorrak berotzen hasteko** balio izan dute. Herritarrak jabetu dira Aldundiak beraingandik **jarrera aktibo** bat espero duela, eta gustura hartu dute.

Saiook balio izan dute landu ditugun gaien inguruan **ikasteko**. Arloetako arduradunen aurkezpen eta azalpenak pedagogikoak izan dira eta herritarrek gustura jaso dituzte. Gehiago sakontzeko aukera eta beharra eskatu ere egin dute, hasitako bideagatik eskertu, eta **segimendua emateko beharra** eta gogoia adierazi.

Oro har, herritarrek **oso positiboki** baloratu dituzte saio hauek. Era berean, Aldundiarentzat ere oso positiboa izan da ekimena, herritarren inpresioak eta iritzia jasotzeko aukera eman dio, Aldundiaren lana nola ikusten den jakiteko, herritarrekin kontraste minimo bat egiteko. Bestalde, positiboa eta garrantzitsua izan da Aldundia **departamenduetatik herrietara** ateratzea, fisikoki, eta jendearekin aurrez aurre, elkarren ondoan eserita, hitz egiten aritzea, kalea zapaltzea.

HERRITARREN BALORAZIOA

				
Giroa, egindako lana, metodologia, parte-hartzea	% 1	% 5	% 53	% 41

Orokorrean, parte hartu duten herritarrek ondo eta oso ondo baloratu dute ekimena. Bereziki eskertu dute Aldundia eta bertako arduradunak herritarrengana hurbiltzea, gertutasuna eta jarrera ona, azalpenak ematea, informazio zuzena eta iritzia emateko aukera irekitzea. Eta aipatu da ekimen eta lan egiteko modu honek jarraipena izan beharko lukeela.

Hobetzeko alderdien artean bereziki aipatu dituzte gaietan sakondu ahal izateko denbora gehiago behar dela eta ekimena abiatu aurretik hobeto komunikatu behar dela, herritar askok ez baitute honen berri izan.

HURRENGO PAUSOAK

- Parte hartu duten herritarrei egindako lanaren laburpena helarazi eta hurrengo pausoak gogoratu.

- Aldundia: herritarren ekarpenak eta ekintzak aztertu eta, horiek kontuan hartuta, 2013ko aurrekontuak landu (urrian).
- Egindako lanaren eta 2013ko aurrekontu-proposamenaren sozializazioa, eskualdez eskualde (azaroan eta abenduan zehar).

HERRITARREN EKARPENAK

Ikus eranskinak:

- Gai bakoitzaren inguruko aurkezpenak: zerga-politika eta gizarte politika
- I. Eranskina: ekarpenak gaika antolatuta
- II. Eranskina: ekarpenak eskualdez eskualde